

- gitatione ad devotionem exercendam applicata, non aliorum
evagante, qui summum GENIUM divinum meditatur, is ad eum
9. pergit. Qui meminerit vatem antiquum, moderatorem, a-
tomo subtiliorem, Universi tutorem, incomprehensibili forma,
10. solis colore splendentem tenebris ex adverso, obitus tem-
pore, animo obfirmato, devotus in religione, ac vi devotionis
in superciliorum confinio spiritu vitali collecto, is omnino
11. hunc summum GENIUM divinum adit. Quod simplex ac in-
dividuum librorum sacrorum gnari nuncupant; quo ingredi-
untur temperantes, affectuum expertes; quod cupientes vitam
12. religiosam instituunt: hoc tibi compendio effabor. Cunctis
sensuum portis occlusis, animo in corde cohibito, in capite
collecto spiritu vitali, permanens in devotionis perseveran-
13. tia, monosyllabum mysticum ôm pronuntiando numen ad-
orans, mei memor, qui proficiscitur corpus mortale relin-
14. quens, is per summam viam incedit. Nihil aliud unquam
cogitans qui me perpetuo meminit, ei facilis sum ad impe-
15. trandum devoto semper se exercenti. Me adito novam ge-
nituram, doloris consortem, caducam, non subeunt magnani-
16. mi, ad perfectionem summam progressi. Usque ad BRACH-
MANIS coelum omnes mundi sunt remeabiles, o Arjuna; me
17. vero adito, Kuntidis nate, nova genitura non datur. Mille
aetatibus finitum qui diem BRACHMANIS norunt, noctem in fine
mille aetatum subeuntem, hi mortales noctis ac diei gnari
18. sunt. Ex invisibili visibilia cuncta prodeunt die appropin-
quante, nocte appropinquante dissolvuntur in isto ipso, quod
19. invisibile dicitur. Elementorum compages haecce ipsa quo-
que diu perdurando dissolvitur nocte appropinquante; ultro
20. deinde, Prithae fili, prodit die oriente. Diversa vero ab hac
visibili exstat alia natura invisibilis, aeterna, quae omnibus